


ANG PULONG SA DIYOS



PAGTUON PINAAGI SA KOREO

Minahal namong mga magtotoon,

Among kalipay ang paghatag kanimo niining pagtulun-an mahitungod sa Pulong sa Diyos. Ang atong basahon makita sa ebangheliyo ni San Juan. Kini nagsaysay sa kinabuhi sa atong Ginoong Jesu-Kristo. Manghinaut kami nga kini nga pagtulun-an makalipay kanimo ug makatabang kanimo sa imong adlaw-adlaw nga pagkinabuhi.

Kini nga pagtulun-an adunay mga pasulit sa kinatung-ang mga pahina niini nga basahon. Sa pahina 2 sa mga pasulit imong makita ang tinagsatagsang gabayan alang sa imong pagtoon niini nga pagtulun-an.

UG KARON... UNSAY MOSUNOD?

Dawata ang among mga pahalipay kanimo sa pagtapos niining pagtulun-an mahitungod sa kinabuhi sa atong Ginoong Jesu-Kristo. Human namo madawat ang imong pasulit, amo dayon kining korihi-an ug ipadala namo kanimo ang mosunod niini nga pagtulun-an. Aduna pay daghang pagtulun-an nga among ikatanyag kanimo nga makatabang sa imong espirituhanong pagkinabuhi.

Kini nga pagtulun-an maoy una sa talay sa mga pagtulun-an nga igahatag pinaagi sa koreo sa:

Educational Courses
P.O. Box 0623
Cagayan de Oro 9000
Mindanao, Philippines

Cebuano: John Lesson

gimandoan sila sa pagtaktak sa ilang pukot sa toong dapit sa sakayan ug sila nakakuha ug daghang isda. Ila na usab nailhan nga ang nagtindog mao ang Ginoo. Giandam ni Jesus ang isda ug sila nagdungan sa pagpanga-on.

Pagkahuman, an g Ginoo nangutana kang Simon Pedro, “ Simon, anak ni Jonas, gihigugma mo ba ako?” sa makatulo. Ug unya ang Ginoo miingon kang Pedro, “Pakan-a ang akong mga karnero” (b. 15-17)

Si disipulo Juan ang misulat niini nga basahon (b.24).

Si Kristo usab nanudlo ug mibuhat sa mas daghan pa kaysa nahisulat niini nga basahon (b.25).

Kung motoo ka kang Jesu-Kristo nga mao ang Lalaking anak sa Diyos, ikaw karon maluwas ug ma-angkon mo ang kinabuhing walay katapusan.

Pagtulun-an 1

SA DIHANG ANG GINOO MI-ANHI SA KALIBUTAN

Gabayon sa magtotoon:

1. Basaha ang San Juan, kapitulo 1, bersikulo 1 hangtod 18.
2. Basaha kini nga pagtulun-an.
3. Tubaga ang mga pangutana sa Pasulit 1.

Dinhi niini nga basahon, si Juan nagahisgot bahin sa kinabuhi sa atong Ginoong Jesu-Kristo. Ang Lalaking anak sa Diyos mi-anhi sa kalibutan aron sa pagsulti sa katawhan mahitungod sa Iyang Amahan. Si Kristo gitawag nga mao ang Pulong sa Diyos tungod kay ang Diyos nakigsulti ngadto sa tawo pinaagi kang Kristo nga Iyang tigpamaba. Kung maminaw kita sa tingog ni Kristo niini nga basahon, kita naminaw sa Pulong sa Diyos.

SA WALA PA MO-ABOT ANG PULONG SA DIYOS, ber. 1-5.

Wala kita masayod kung kanus-a gihimo ang kalibutan. Kini nahitabo sa dugay na nga panahon. Sa wala pa kini, ang Pulong uban sa Diyos. Ang Pulong gitawag usab nga Lalaking anak sa Diyos. Sukad sa sinugdanan, ang Pulong uban sa Diyos.

Walay mibuhat sa Diyos. Wala Siyay sinugdanan. Ang Diyos wala mobuhat sa Lalaking anak . Ang Pulong nga sukad sa sinugdanan mao ang Diyos, gitawag usab nga Lalaking anak sa Diyos. Ang tanang butang binuhat sa Diyos. Ang tanang butang nga makita ug ang tanang butang nga dili makita binuhat sa Diyos. Ang tanang mga butang nangahimo pina-agi sa Diyos nga Lalaking anak, bers. 3. Niining pa-agiha, atong makita nga ang Diyos wala mobuhat sa Lalaking anak ug ang Lalaking anak mihimo sa tanang butang nga ania karon.

Ang Pulong gitawag usab nga Kahayag kay Siya nagapadayag sa katawhan sa dalan padulong sa Diyos.

SA DIHANG ANG PULONG SA DIYOS MIANHI SA KALIBUTAN, bers. 6-18.

Kung ang usa ka hari magplano sa pagpanaw, siya magpadala una ug usa kasulugoon aron sa pagpahibalo nga siya umalabot. Sa pagpadala sa Diyos sa Pulong dinhi sa kalibutan, gipa-una Niya si Juan Bautista aron sa pagsulti sa katawhan nga mo-abot ang Lalaking anak sa Diyos,

bersikulo 6. Si Juan dili mao ang Kahayag apan siya gipadala aron pagsaksi sa Kahayag. Gusto niya nga motoo ang tanan kang Kristo.

Ang kalibutan gibuhat ni Kristo, ang Lalaking anak sa Diyos. Bisan pa niini, ang Iyang katawhan wala modawat ug motoo Kaniya.

Apan kadtong midawat Kaniya ug modawat Kaniya karon mamahimong lalaking anak sa Diyos. Aron madawat ang bag-ong pagkatawo ingon nga lalaking anak sa Diyos, gikinahanglan nga ikaw modawat kang Kristo. Kini mao ang pagtoo sa Iyang Ngalan. Ang tanang mitoo sa Iyang ngalan gihatagan ug gahum nga mamahimong mga lalaking anak sa Diyos, ber. 12. Bisan kung ang mga ginikanan lalaking anak sa Diyos, sila dili makahimo sa ilang anak nga usa ka lalaking anak sa Diyos. Ang usa ka tawo dili makahimo sa iyang kaugalingon nga lalaking anak sa Diyos. Walay bisan kinsa dinhi sa kalibutan nga makahimo sa usa ka tawo nga lalaking anak sa Diyos. Pinaagi lamang sa pagtoo ug pagdawat kang Kristo nga ang tawo mamahimong lalaking anak sa Diyos.

“Kay kamong tanan mga anak sa Diyos pinaagi sa pagtoo kang Cristo Jesus” (Mga taga-Galasia 3:26).

“Ingon nga gipakatawo pag-usab, dili sa binhi nga madunot, apan sa dili madunot, pinaagi sa pulong sa Diyos, nga buhi ug nagapabilin hangtud sa hangtud.” (1 Pedro 1:23).

“Nga nangatawo dili sa dugo, ni sa pagbuot sa unod ni sa pagbuot sa tawo, apan sa Diyos” (Juan 1:13).

Pagtulun-an 12

SI KRISTO NABANHAW GIKAN SA MGA PATAY

Gabayan sa magtotoon:

1. Basaha ang Juan, kapitulo 20 ug 21.
2. Basaha kini nga pagtulun-an.
3. Tubaga ang mga pangutana sa Pasulit 12.
4. Ipadala ang pasulit nga bahin lamang aron makorihi-an.

Ang Pulong sa Diyos nagpakatawo ug mipuyo uban sa mga tawo. Iyang gipadayag sa kalibutan ang gugma sa Diyos apan daghan ang nasilag Kaniya. Gidala Siya atubangan sa usa ka maghuhukom ug ang katawhan misinggit alang sa Iyang kamatayon. Si Kristo namatay apan ang Diyos mibanhaw Kaniya gikan sa mga patay.

SI MARIA MAGDALENA NAKAKITA SA GINOO, kap. 20:1-18. Sayo sa buntag sa Domingo, si Maria Magdalena miadto sa dapit diin gilubong ang Ginoo. Iyang nakita nga ang bato nga giala sa baba sa lubnganan naligid na. Midagan siya ug gibalitaan niya si Pedro ug si Juan nga ang patay nga lawas ni Jesus wala na sa sulod sa lubnganan.

Ang mga tinun-an mipauli sa ilang balay ug si Maria Magdalena nagpabilin sa lubnganan nga naghilak. Si Jesus nakigsulti kaniya, apan Siya wala niya maila (b. 16).

ANG MGA TINUN-AN NAKAKITA SA GINOO, kap. 20, b. 19-31

Ang mga tinun-an nagkatigum sa usa ka dapit nga tinakpan ang mga pultahan tungod kay nahadlok sila sa mga Judio. Ang Ginoo mipakita sa taliwala nila, ug nagpamatuod nga Siya buhi. Siya misugat kanila sa pag-ingon, “Ang kalinaw maanaa kaninyo.” Silang tanan nagmalipayon. Si Tomas wala uban kanila niini nga higayon ug siya wala motoo nga ang Ginoo nabanhaw. Human sa walo ka adlaw, ang Ginoo mipakita na usab sa Iyang mga tinun-an. Niining higayona si Tomas uban na kanila. Ang Ginoo mipakita labi na kang Tomas nga gibati ug kasakit tungod sa iyang pagka walay pagtoo ug siya misinggit, “Ginoo ko ug Diyos ko.”

ANG MGA TINUN-AN NANGISDA, kapitulo 21.

Ug unya ang mga tinun-an milakaw aron mangisda ug sila nangisda sa tibook gabi-i apan wala silay nakuha. Nianang pagkabuntag, ilang nakita ang Ginoo nga nagtindog sa baybayon duol sa daub. Iyang

Arimatea mi-adto kang Pilato ug gipangayo niya ang lawas ni Jesus. Si Nicodemus mitabang kang Jose sa pag-andam sa patay nga lawas ni Kristo aron ilubong sa usa ka lubnganan duol sa hardin.

Atong nakita kung giunsa pagtabang ni Hudas ang mga tawong nasilag kang Jesus; ang pagpaninguha sa mga Judio sa kamatayon ni Jesus, ug giunsa ni Pilato pagtugyan Kaniya ngadto sa mga Judio aron ilansang sa krus. Asa ka man dapig: niadto bang nahigugma kang Kristo o niadtong nasilag Kaniya?

Pagtulun-an 2

ANG MGA TINUN-AN NI KRISTO

Gabayan sa magtotoon:

1. Basaha ang Juan 1:19 hangtod sa Juan 2:25
2. Basaha kini nga pagtulun-an.
3. Tubaga ang mga pangutana sa Pasulit 2.

Sa unang pagtulun-an atong nakita nga si Jesu-Kristo mao ang Lalaking anak sa Diyos. Siya mao usab ang Pulong sa Diyos ug ang Kahayag. Pinaagi sa pagdawat Kaniya ug pagtoo Kaniya, ang usa ka tawo mamahimong lalaking anak sa Diyos.

SI JUAN MISULTI SA KATAWHAN BAHIN KANG KRISTO, kapitulo 1, bersikulo 19-34.

Adunay mga tawong gipadala gikan sa Jerusalem sa pagpangutana kang Juan kung siya mao ba ang Kristo. Ang iyang tubag mao: “”Ako mao ang tingog”” (b.23). Siya miingon ng siya mianhi aron sa

pagsangyaw kang Kristo ngadto sa katawhan. Sa sunod nga adlaw nakita ni Juan si Jesus ug siya miingon, “”Sud-onga ang

Cordero sa Diyos, nga magakuha sa sala sa kalibutan!”” (b.29). Aron pagkuha sa sala, si Kristo kinahanglang mamatay sama sa usa ka

nateng karnero. Gihatag Niya ang Iyang kinabuhi aron nga kita dili na kinahanglang mamatay alang sa atong mga sala. Tungod niini, si Juan mitawag kang Jesu-Kristo nga Cordero sa Diyos. Siya nasayod nga si Kristo Lalaking anak sa Diyos (b.34).

ANG UNANG MGA TINUN-AN NI KRISTO, kap. 1, ber. 35-51. Sa dihang si Juan miingon nga si Jesus makakuha sa mga sala, dihay ubang tawo nga gustong mosunod kang Kristo. Si Jesus malipayong midawat kanila (b.39). Usa kanila mao si Andres. Gidala niya si Si mon Pedro ngadto kang Kristo (b. 41-42).

Sa sunod nga adlaw nakita ni Kristo si Felipe ug Siya miingon kaniya, “Sunod kanako.” Gitawag usab ni Felipe si Natanael aron makigkita kang Kristo. Naila ni Natanael nga si Kristo mao ang Lalaking anak sa Diyos ug ang Hari sa Israel. Kining mga tawhana nakadungog sa pagtawag ni Kristo ug sila misunod Kaniya.

ANG UNANG TILIMAD-ON, kapitulo 2.

Si Jesus, si Maria nga Iyang inahan, ug ang Iyang mga tinun-an mi-

adto sa usa ka kasal sa Cana sa Galilea. Gihimong bino ni Kristo ang tubig. Si Maria dili makahimo niini ug giingnan niya ang mga tinun-an, “Bisan unsay iyang isulti nganha kaninyo, buhata.” (b. 5). Si Jesus mihimo niini nga milagro agi ug usa ka tilimad-on alang sa Iyang mga tinun-an nga Siya Anak sa Diyos. Ug unya, daghan pang mga milagro ang Iyang gipanghimo.

Human niini, mi-adto ang Ginoo sa Templo ug Iyang gipang-abog kadtong mga tawong nagnegosyo sulod sa Templo sa Diyos. Giingnan Niya sila nga Siya magpakamatay ug mabanhaw. Daghan moingon nga sila mitoo Kaniya (b. 23), apan Siya lamang ang nasayod sa sulod sa kasingkasing sa matag-usa. Kung ikaw tinud-anay nga motoo kang Kristo nga mao ang Lalaking anak sa Diyos ug ang Nati nga Karnero sa Diyos, Siya magadawat kanimo ug mamahimo kang lalaking anak sa Diyos.

Pagtulun-an 11

SI KRISTO PADULONG SA KRUS

Gabayan sa magtotoon:

1. Basaha ang San Juan, kapitulo 18 ug 19.
2. Basaha kini nga pagtulun-an.
3. Tubaga ang mga pangutana sa Pasulit 1 1.

Kini nga pagtulun-an magadala kanato ngadto sa kamatayon ni Ginoong Jesu-Kristo. Tingali makapangutana kamo kung ngano nga ang usa ka Lalaking anak sa Diyos kinahanglan mang magpakamatay. Atong nakita nga ang Lalaking anak sa Diyos nahimong tawo. Nahimo Siyang tawo aron magpakamatay alang sa katawhan.

SI KRISTO ATUBANGAN SA MGA TAWHANONG MAGHUHUKOM, kapitulo 18, bersikulo 1-27.

Human Siya mangaliya alang sa Iyang mga tinun-an, si Kristo miadto sa hardin aron sa pag-ampo pag-usab. Si Hudas nakigsabot sa pipila ka mga sacerdote nga iyang dad-on si Kristo sa ilang mga kamot. Ang Ginoong Jesus wala modumili o molayas ba hinoon. Siya mitugyan sa Iyang kaugalingon niadtong buot modakop Kaniya.

Samtang si Kristo gisukit-sukit, si Pedro milimod sa Ginoo sa sa makatulo (bersikulo 17,25,27).

SI KRISTO ATUBANGAN NI PILATO, kap.18, ber.18 hangtod kap. 19, ber.16.

Ang mga Judio gustong mopatay kang Kristo apan wala silay panugot sa pagbuhat niini. Si Pilato mao ang Romanong maghuhukom sa Israel nga adunay gahum bahin niini. Natino ni Pilato human niya masukit-sukit si Kristo nga Siya walay sala ug gusto niyang buhi-an Siya. Bisan pa niini, gusto sa mga tawo nga si Kristo mamatay. Misinggit sila nga buhi-an si Barabas, ang usa ka tulisan. (b. 40).

SI KRISTO NAMATAY SA KRUS, kap. 19, ber.17-42.

Gidala si Kristo gawas sa siyudad. Ang Iyang mga kamot ug tiil gilansang sa krus. Samtang Siya nag-antos ibabaw sa krus, nahinumduman Niya ang Iyang inahan Siya nagpahaluna kaniya ubos sa pag-atiman sa Iyang tinun-an mga hinigugma (b. 26-28). Sa katapusan Siya misinggit, “Natapos na” (b. 30), ug Siya namatay. Usa ka sundalo ang mitusok sa Iyang kilid sa usa ka bangkaw. Ug unya, si Jose nga taga

Kung kita mahuman sa atong buhat mopahulay gayud kita. Si Kristo karon naga-ampo alang niadtong mitoo Kaniya (b.9). Dili Siya kapuyon ug wala Siya magkinahanglan sa pahulay. Si Kristo naga-ampo adlaw ug gabii sa walay paghunong alang sa Iyang mga binuhat. Wala kita magkinahanglan ug laing tawo nga mag-ampo ikumpisal ang atong mga sala sa usa ka tawo kondili sa Diyos lamang. Siya lamang ang makapasaylo sa sala. Si Jesu-Kristo maoy tigpataliwala sa Diyos ug sa tawo.

UNSAY PAGABUHATON NI KRISTO ALANG KANATO, ber. 22-26.

Si Kristo nahigugma kanato ug nagpakamatay alang kanato. Sa tinud-anay gayod, gusto Niya kung asa Siya atu-a usab kita. Sa bersikulo 24, si Kristo nag-ampo nga kita unta uban Kaniya. Ang pagpakig-uban kang Kristo dili hingpit hangtod dili kita magkahi-usa. Si Kristo mobalik aron pagkuha ug pagdala kanato sa atubangan sa Amahan. Minahal kong higala, kung wala pa nimo dawata si Kristo nga imong bugtong, makagagahum ug kaugalingong Manluluwas, wala kay luna uban sa Amahan ug sa Lalaking anak. Nganong dili man nimo dawaton si Kristo karon?

Pagtulun-an 3

ANG MAA YONG TAWO UG ANG BABA YENG MAKASASALA

Gabayan sa magtotoon:

1. Basaha ang San Juan, kapitulo 3 ug 4.
2. Basaha kini nga pagtulun-an.
3. Tubaga ang mga pangutana sa Pasulit 3.

Ang Lalaking anak sa Diyos mi-anhi sa kalibutan aron pagtabang sa katawhan. Siya nagpakita sa mga milagro aron mahibaw-an sa tanan nga Siya nagagikan sa Diyos. Gisulti Niya sa tanan ang gugma sa Diyos ug ang paagi nga sila maluwas.

ANG MAGMAMANDO SA ISRAEL, kapitulo 3

Si Nicodemus usa ka maayong tawo. Siya usa ka magtutudlo sa tinuohan sa Israel ug usa ka magmamando sa mga Judio. Siya nag-ampo adlaw-adlaw ug naghatag ug limos sa mga kabus. Nagatoo siya nga kini nga mga buhat makapahimut sa Diyos. Apan si Jesus, ang Pulong sa Diyos, miingon, “Gawas ang usa ka tawo ianak pag-usab, dili siya makakita sa gingharian sa Dios”. Atong nakita sa naunang mga pagtulun-an nga ang usa ka tawo mamahimong lalaking anak sa Diyos kung motoo siya kang Kristo ug modawat iyang Kaniya nga Manluluwas. Mao kini ang gitawag nga bag-ong pagkatawo tungod kay kini nahitabo sa ulahi ug laing panahon human kita gihimugso sa atong inahan dinhi sa kalibutan.

Wala kini masabti ni Nicodemus. Bisan pa, si Jesus namulong kaniya mahitungod sa gugma sa Diyos ug kini iyang gidawat. Ang bersikulo 16 nag-asoy kanato sa labihang kadako sa gugma sa Diyos nga gihatag Niya ang Bugtong Niyang Lalaking anak aron pagwagtang sa atong mga sala. Kinsa kadtong motoo nga si Kristo Lalaking anak sa Diyos makadawat sa kinabuhing walay katapusan. Kawang lang ang pagkamaayong tawo o pagkarelihiyoso sa usa ka tawo. Kinahanglan pa gihapon niyang magpakatawo pag-usab. Ang Dios nahigugma kanimo ug nagahatag sa Iyang Lalaking anak aron nga ikaw may kinabuhi diha Kaniya. Dawaton mo ba kini nga kamatuoran ug dawaton mo ba Siya nga imong Manluluwas?

Gusto ni Juan Bautista nga ang tanan mosunod kang Kristo. Sa

kanunay, gihimaya niya si Kristo. Ang bersikulo 36 nag-asoy nga ang Diyos nagabatok niadtong tanan nga wala motoo sa Iyang Lalaking anak.

SI KRISTO GIDAWAT SA BABAYENG MAKASASALA, kap. 4

Human niini, si Kristo miadto sa Samaria. Gikapoy Siya ug nangayo ug tubig nga ma-inom sa usa ka babaye. Sa pinasugdan, dili siya mabinatyon. Gisultihan Niya ang babaye nga Siya makahatag kaniya ug buhing tubig. Gikinahanglan niya ang buhing tubig apan kinahanglan una niya masabtan nga siya usa ka makasasala (b. 18). Ang usa ka tawo dili makapangayo ug panabang kang Kristo hangtud siya mo-angkon nga siya adunay panginahanglan. Si Jesus miingon sa babaye nga Siya mao ang Kristo (b. 25-26). Milakaw dayon ang babaye ug gisultihan niya ang uban nga iyang nakita si Kristo, ang Manluluwas.

Usa ka tawo ang miduol kang Kristo ug mihangyo Kaniya nga ayuhon sa sakit ang iyang anak (b. 47). Ang tawo hugot nga mitoo nga si Kristo makahatag sa gikinahanglan sa iyang anak ug ang Ginoo miayo kaniya. Ang Lalaking anak sa Diyos nahigugma sa tanang katawhan ug mihatag sa Iyang kinabuhi aron sila maluwas.

Gusto ba nimong masinati ang bag-ong pagkatawo? Gusto ba nimong makabaton sa Tubig sa Kinabuhi?

Pagtulun-an 10

SI KRISTO NAG-AMPO ALANG SA IYANG MGA TINUN-AN

Gabayon sa magtotoon:

1. Basaha ang ebanghelyo ni San Juan, kapitulo 17.
2. Basaha kini nga pagtulun-an.
3. Tubaga ang mga pangutana sa Pasulit 10.

Niini nga kapitulo atong mabasa nga si Kristo nag-ampo sa Diyos nga Iyang Amahan (b.11). katawhan.

ANG GIHIMO NI KRISTO ALANG KANATO, bersikulo 1-8

Ang Diyos naghatag ug gahum sa Iyang Lalaking anak aron nga si Kristo makahatag sa kinabuhing dayon (b.2). Kini nga gahum wala Niya ihatag sa uban. Si Kristo lamang ang makahatag kanato sa kinabuhi. Ang kinabuhing dayon mao ang pag-ila sa bugtong matuod nga Diyos ug Manluluwas nga mao si Jesu-Kristo nga pinadala sa Diyos (b.3). Imong maila si Kristo pinaagi sa Pulong ug makabaton ka sa kinabuhing dayon.

Aron kita mahatagan ug kinabuhi kinahanglan nga ihatag ni Kristo ang kaugalingon Niyang kinabuhi. Gitagana na sa Diyos nga tungod sa sala ang tanan mamatay gayud. Wala kitay mahimo sa pagluwas sa atong kaugalingon. Kini gihimo na ni Kristo ug natapos na ang tanang gikinahanglan alang sa pagkab-ot sa atong kaluwasan (b. 4). Ang Diyos nahigugma gayod kanato sa pagkaagi nga ang tanang buhat lyang gihatag sa Iyang Lalaking anak.

Ang Diyos Amahan nagpadala ug mga pulong alang kanato pinaagi ni Kristo (b.8). Si Kristo mao ang Pulong sa Diyos ug mianhi sa kalibutan aron pagsugilon kanato sa gugma sa Diyos. Nadawat sa mga tinun-an ang mga pulong nga gipanulti ni Kristo. Sila mitoo nga si Kristo gikan sa Amahan.

UNSAY PAGABUHATON NI KRISTO ALANG KANATO SA PAGKAKARON, bersikulo 9-21.

Si Kristo nagpakamatay alang sa atong mga sala ug nabanhaw gikan sa mga patay. Pagkahuman, mibalik Siya ngadto sa Amahan didto sa Langit. Karon nagalingkod Siya sa toong kamot sa Amahan nga halangdon ug mahimayaon. Unsay gibuhay ni Kristo karong taknaa?

Lalaking anak. Ang sangputanan mao nga ang pagdawat kang Kristo mao ang pagdawat sa Diyos ug ang pagsalikway kang Kristo mao ang pagsalikway sa Diyos.

Usab sa bersikulo 28, tataw nga gipadayag sa Ginoo nga Siya nagagikan sa Amahan ug mobalik ngadto sa Amahan. Si Kristo man ang bugtong Lalaking anak sa Diyos ug Siya ang bugtong Manluluwas sa kalibutan. Ang mga tinun-an mitoo nga si Kristo nasayod sa tanang butang ug nagagikan sa Diyos (b. 30). Motoo ka ba niini?

Pagtulun-an 4

SI KRISTO NAGTABANG SA KATAWHAN

Gabayan sa magtotoon:

1. Basaha ang ebanghelyo ni San Juan, kapitulo 5 ug 6.
2. Basaha kini nga pagtulun-an.
3. Tubaga ang mga pangutana sa Pasulit 4.

Atong nakita nga ang Lalaking anak sa Diyos mianhi sa kalibutan aron sa pagtuman sa kabubut-on sa Diyos. Ang Diyos nahigugma sa tanan. Si Kristo naninguha sa pagtabang sa tanan. Niini nga pagtulun-an, si Kristo mitabang sa tawong masakiton sa 38 ka tuig ug unya mipakaon sa 5,000 ka tawo.

ANG TAWONG MASAKITON SA 38 KA TUIG, kapitulo 5

Daghang tawong masakiton ang mipaduol sa usa ka danaw ug naghulat nga makutaw ang tubig. Adunay usa ka bakol nga dugay nang naghulat tungod kay walay makatabang sa pagtusnob kaniya sa tubig. Bisan pa niini, ang Lalaking anak sa Diyos naghatag kaniya ug kusog sa pag-aswat sa iyang higdaanan ug paglakaw nga siya ra.

Kini nakahimo sa tawo sa pagsadya apan ang mga Judio nangasuko kay ang pagtambal kaniya gihimo man sa adlawng igpapahulay nga usa sa mga balaang adlaw sa mga Judio. Karon ang adlawng Domingo atong gisaulog nga adlaw sa Ginoo ug ang dili pagbuhat niining adlaw apan ang Lalaking anak sa Diyos kanunay nga andam sa pagbuhat sa maayo sa bisan unsang panahon ug sa bisan asang dapit. Si Jesus mitubag nga kining Iyang gibuhat Iyang nakita nga gibuhat sa Amahan (b.19). Ang Amahan nahigugma sa Iyang Lalaking anak ug naghatag Kaniya ug gahum sa pagbanhaw sa patay ug paghukom sa katawhan (b. 20-22).

Si San Juan misaksi sa kamatuoran ni Kristo (b.33). Ang mga binuhatan ni Kristo nagpamatuod nga Siya ang Lalaking anak sa Diyos (b.36). Ang Diyos nga Amahan misaksi usab nga si Kristo mao ang Iyang Lalaking anak ug ang Manluluwas (b.37). Ug usab ang Balaang Kasulatan nagpadayag nga si Kristo mao ang Lalaking anak sa Diyos ug ang Manluluwas (b. 38-39). Kadtong dili motoo kang Kristo nga mao ang Lalaking anak sa Diyos dili maluwas.

SI KRISTO MIPAKAON SA LIMA KA LIBONG TAWO, kap. 6.

Sa dihang gigutom na ang mga katawhan si Kristo mikuha ug lima ka tinapay ug duha ka gagmay nga isda. Iya kining gipanalanginan ug kini midaghan ug adunay daghang pagkaon alang sa tanan. Sa dihang nakita kini nga milagro sa katawhan, sila miingon nga Siya usa ka propeta ug namugos nga himoon Siyang Hari. 9

Daghan karon ang andam sa pagsunod kang Kristo kung sila makadawat ug mga kalibutanong panalangin. Apan si Kristo dili modawat niadtong mga tigpakaaron-ingnon ug mga hakog.

Human niadto, si Kristo milakaw ibabaw sa tubig (b. 19). Walay makahimo niini nga milagro gawas sa Diyos. Tungod niini kinahanglan kitang maminaw ug mosunod sa pulong ni Kristo sa katawhan. Ang Lalaking anak sa Diyos lamang ang makahatag ug kinabuhing walay katapusan (b. 35,47). Ang ubang mga Judio gusto sa Tinapay sa Kinabuhi (b. 34) apan sila wala mopadayon pagsunod Kaniya sa dihang namulong Siya ug malisod nga pulong (b. 60, 66). Si Jesus nangutana sa Iyang mga tinun-an kung sila motalikod ba usab Kaniya. Si Pedro mitubag, “Ginoo, ngadto kang kinsa man kami moadto? ikaw ang may mga pulong sa kinabuhing walay katapusan.” (b. 68). “Ug nagatoo ug nakasiguro kami nga Ikaw ang Kristo, ang Lalaking anak sa buhing Diyos” (b. 69). Bisan pa ug daghan pang butang ang wala nimo masabti, tu-ohi Siya ug mamaimo ang kinabuhing walay katapusan.

Pagtulun-an 9

ANG MA TUOD NGA PUNUAN SA PARAS

Gabayon sa magtotoon:

1. Basaha ang San Juan, kapitulo 15 ug 16.
2. Basaha kini nga pagtulun-an.
3. Tubaga ang mga pangutana sa Pasulit 9.

UNSAON PAGKAHIMONG MAPUTLI, kapitulo 15

Si Jesus sama sa usa ka punu-an sa paras o kahoy nga nagahatag ug kinabuhi sa mga sanga. Bisan pa niini, aron kita makaduol Kaniya, kinahanglan nga kita maputli. Ang sala nakahugaw ug nakamansa sa atong kasingkasing ug gikasilagan sa Diyos ang sala. Unsaon man nato pagpaduol kang Kristo?

Sa bersikulo 3, atong nabasa nga kita mamahimong maputli pinaagi sa Pulong. Si Kristo nagatudlo sa daghang mga butang mahitungod sa Diyos sa ebangeliyo ni San Juan. Atong mahinumduman nga Siya gitawag nga mao ang Pulong sa Diyos sa kapitulo 1. Kini nga mga pagtulun-an ug ang ebanghelyo ni San Juan makatabang kanimo sa pagsabot nga ang Pulong sa Diyos makahimo kanimong maputli.

Sa bersikulo 13, atong makita nga ang gugma nga labaw sa tanan mao ang paghalad sa kinabuhi alang sa iyang mga higala. Talagsaon lang ang mga tawong andam mohalad sa ilang kinabuhi alang sa usa ka higala. Ug mas labing talagsaon nga gihalad ni Kristo ang Iyang kinabuhi alang sa Iyang mga kaaway. Ang gugma ni Kristo mas labaw pa kay sa gugma sa bisan kinsang tawo.

Bisan pa niining tanan, daghang tawo ang nasilag sa Diyos ug mibatok sa Iyang Lalaking anak. Siya nga mibatok sa Diyos mibatok usab kang Kristo. Si Kristo mao ang bugtong Lalaking anak sa Diyos ug ang bugtong dalan padulong sa Diyos nga Amahan.

SI KRISTO MITUDLO SA IYANG MGA TINUN-AN, kap. 16

Ang buhat sa Balaang Espirito mao ang paglipay niadtong mitoo kang Kristo (b.7). Ang buhat sa Balaang Espirito mao usab ang pagpa-ila sa kalibutan sa sala (b.8). Kung imong gibati nga ikaw usa ka makasasala, tu-ohi si Kristo karon.

Ang Amahan mihatag sa tanang butang ngadto sa Lalaking anak (b.15). Tungod niini, atong nasayran nga ang Diyos nahigugma sa

kadtong nagatoo Kaniya. Pagkahuman Iyang gihatag ang Iyang kalinaw ngadto kanila (b. 27).

Ang Diyos nasuko tungod sa sala. Bisan pa niini, Siya magapasaylo kanimo kung dawaton mo si Kristo. Ang hingpit nga kalinaw mopuli sa kahadlok sulod sa imong kasingkasing ug kinabuhi. Duol kang Kristo karon!

Pagtulun-an 5

ANG TUBIG SA KINABUHI UG ANG KAHAYAG SA KINABUHI

Gabayon sa magtotoon:

1. Basaha ang San Juan, kapitulo 7 ug 8.
2. Basaha kini nga pagtulun-an.
3. Tubaga ang mga pangutana sa Pasulit 5.

Gipakita ni Kristo ngadto sa mga Judio nga Siya Lalaking anak sa Diyos pinaagi sa Iyang mga milagro. Bisan pa niini, tungod kay wala nila masabti ang uban Niyang pulong, sila dili andam nga modawat Kaniya.

SI KRISTO NAGAHATAG SA TUBIG SA KINABUHI (kapitulo7)

Ang mga igsoon ni Jesus (ang ubang anak ni Jose ug Maria) wala motoo Kaniya sa pinasugdan (b.5). Wala Siya mo-uban kanila pagadto sa kumbira. Sa pag-adto ni Jesus sa Templo, Siya nagpanudlo sa mga katawhan (b.14). Si Jesus miingon, “Kon bisan kinsa nga tawo nga magabuhat sa iyang kabubut-on, siya gayud mahibalo sa pagtulun-an, kon kini iya ba sa Dios, o kon ako nagasulti sa akong kaugalingon.” (b.17). Kini mao ang kamatuoran hangtod karon! Ikaw masayod ug mobuhat sa kabubut-on sa Diyos!

Sa katapusang adlaw sa pagsaulog, si Kristo miingon nga Iyang ihatag ang Tubig sa Kinabuhi sa tanang miduol Kaniya (b.37). Siya usab miingon nga kinsa kadtong motoo Kaniya, mga suba sa buhing tubig mobuhagay gikan nianang tawhana ngadto sa uban. Walay tawong makabaton ug kalipay gawas kang Kristo. Kung motoo ikaw Kaniya, ikaw makatudlo sa uban mahitungod sa kinabuhing dayon.

Ang uban nagatoo nga si Jesus usa lamang ka propeta ug dili mao ang Kristo. Gusto Siyang dakpon sa mga Fariseo apan sa dihang sila nakadungog sa Iyang mga pulong, sila miingon, “Wala pay tawo sukad nagasulti sama niining tawhana.” Miangay ka ba sa gipamulong ni Kristo? Tu-ohi ang Anak sa Diyos karon!

SI KRISTO NAGAHATAG UG KAHAYAG SA KALIBUTAN (kapitulo 8)

Ang mga Pariseo midala sa usa ka babayeng mananapaw ngadto kang Jesus. Tungod sa iyang sala, siya angay batoon. Apan si Jesus

miingon, “Siya nga walay sala diha kaninyo, paunaha siya paglabay sa bato kaniya.” Si Jesus lamang ang walay sala taliwala niadtong katawhan apan wala Niya hukmi ang babaye. Siya wala mianhi aron sa paghukom kung dili aron sa pagluwas. Siya miingon sa babaye, “Lakaw ug ayaw na nagpakasala.” 11

Human niadto, Siya miingon, “Ako mao ang Kahayag sa Kalibutan.” Ang matuod nga kahayag magapadayag kanato sa atong mga sala ug magalamdag sa dalan ngadto sa Langit. Dili kita maka-adto sa Langit kung dili malaglag ang atong sala. Si Kristo nagapadayag sa atong mga sala apan Siya kanunay nga andam sa paglaglag niini. Imong mahibawan nga ang imong sala nahugasan na.

Siya nga nagpakasala ulipon sa sala (b. 34). Kita gayod makasala. Nagkinahanglan kita ug gahum aron dili kita makasala. Si Kristo miingon, “Ang kamatuoran maghimo kaninyo nga may kagawasan”. (b.32). Ang Balaang Kasulatan nagahatag kanato sa kamatuoran sa Diyos ug nagasulti mahitungod sa Anak sa Diyos. Ikaw usa ka makasasala. Tu-ohi ang kamatuoran ug dawata ang Lalaking anak. Ikaw makabaton ug kagawasan!

Pagtulun-an 8

SI KRISTO NAGTUDLO SA IYANG MGA TINUN-AN

Gabayan sa magtotoon:

1. Basaha ang ebanghelyo ni San Juan, kapitulo 13 ug 14.
2. Basaha kini nga pagtulun-an.
3. Tubaga ang mga pangutana sa Pasulit 8

Ang Lalaking anak sa Diyos nasayod sa tanang butang. Siya nasayod sa kasingkasing niadtong mitoo Kaniya. Siya usab nasayod kung unsay sunod nga mga panghitabo. Si Kristo nasayod sa Diyos ug makagiya sa katawhan ngadto sa Diyos.

SI KRISTO MOBALIK NGADTO SA LANGIT (kapitulo 13) Si Kristo nagagikan sa Diyos ug mobalik usab ngadto Kaniya (b. 3). Bisan pa niini, Siya andam nga mamahimong sulugoon ug mihugas sa mga tiil sa Iyang mga tinun-an.

Gihatag ni Kristo ang Iyang kinabuhi ug dugo aron kita malimpiyo sa atong mga sala. Sa bersikulo 10, Siya naga-ingon nga kinsa kadtong nahugasan na, limpiyo na gayud sa kinatibuk-an. Sa bersikulo 15, Si Kristo miingon nga kita mag-inalagaray sa usag usa sama sa Iyang gihimo.

Ang Lalaking anak sa Diyos nasayod kung kinsa ang mobudhi Kaniya ug motugyan Kaniya ngadto sa mopatay Kaniya. Siya mao si Hudas, usa sa Iyang mga tinun-an. Si Juan, usa usab sa mga tinun-an, gusto nga masayod. Si Jesus miingon nga siya mao kadtong tagaan Niya ug tinapay (b. 26). Si Pedro miingon nga iyang ihatag ang iyang kinabuhi ngadto kang Kristo apan si Kristo mitubag nga igalimod Siya ni Pedro sa dili madugay (b. 38).

SI KRISTO MOBALIK PAGUSAB, kapitulo 14

Sa dihang giingnan sa Ginoo ang Iyang mga tinun-an nga Siya mamatay, sila nagmasulub-on. Unya giingnan Niya sila sa dili pagkaguol kay Siya mobalik pag-usab (b. 3). Sa bersikulo 6, ang Lalaking anak sa Diyos miingon nga Siya lamang ang dalan ngadto sa Langit. Walay tawo nga makaadto sa Amahan kung dili pinaagi Kaniya. Ang bugtong dalan padulong sa Amahan mao si Kristo kay Siya mao ang Dalan, ang Kamatuoran, ug ang Kinabuhi. Wala gayoy laing agi-anan. Si Kristo nag-ampo sa Amahan sa pagpadala sa Balaang Espirito aron pun-on

ug mipasidungog Kaniya (b.12-16). Ang ubang mga Grego miduol Kaniya. Si Kristo miingon sa katawhan nga kinahanglan niyang magpakamatay (b.24). Ang Diyos misulti gikan sa langit ug nagpamatuod nga si Kristo mao ang Iyang Lalaking anak ug nga Siya gihimaya tungod Kaniya (b.28).

Ang uban mitoo Kaniya apan sila nahadlok sa mga Pariseo ug sila wala mo-angkon Kaniya (b. 42). Gipalabi nila ang pagdayeg sa mga tawo kay sa pagdayeg sa Diyos (b. 43). Ang Diyos mipadala sa Iyang Lalaking anak dinhi sa kalibutan ug si Jesus miingon, “Siya nga nagatoo kanako wala nagatoo kanako kondili Kaniya nga mipadala kanako...” (b. 44). Motoo ka ba Kaniya karon?

Pagtulun-an 6

ANG TA WONG BUTA UG ANG MAAYONG MAGBALANTAY

Gabayon sa magtoton:

1. Basaha ang ebanghelyo ni San Juan, kapitulo 9 ug 10.
2. Basaha kini nga pagtulun-an.
3. Tubaga ang mga pangutana sa Pasulit 6

Atong nakita nga si Jesu-Kristo mao ang Pulong, ang Lalaking anak sa Diyos, ang Nati nga Karnero sa Diyos, ug ang Kahayag sa Kalibutan. Sa kapitulo 9, gihatagan Niya ug kahayag ang tawong gipakatawong buta.

ANG TAWONG BUTA NAKADAWAT UG KAHAYAG (Kap. 9)

Usa ka tawo nga buta sukad pa sa iyang pagkatawo wala sukad makakita ug bisag-unsang. Ang usa ka makasasala dili gayud makakita sa himaya sa Diyos. Dili niya mahikaplagan ang dalan ngadto sa Diyos. Nagkinahanglan siya sa kahayag. Sa dihang gihatagan ni Kristo ug kahayag ang tawong buta, ang iyang mga higala wala motoo kaniya. Sila miingon nga si Jesus usa ka makasasala tungod kay siya nanambal sa adlaw nga igpapahulay (b.16 ug 24). Ang tawong buta nakasiguro nga siya makakita na gayud ug nga si Jesus gikan sa Diyos (b.33). Tungod niini siya gipapahawa sa simbahan.

Si Kristo miadto sa tawo aron sa pagtabang kaniya ug pagpadayag nga Siya mao ang Anak nga lalaki sa Diyos (b.35-37). Ang mga Fariseo nagpadayon sa kangitngit sa pagtoo nga si Kristo usa lamang ka tawo.

ANG MAAYONG MAGBALANTAY MIHATAG SA IYANG KINABUHI ALANG SA PANON, Kapitulo 10

Si Jesus mao ang Maayong Magbalantay sa Karnero ug nagbantay ug nagpakaon sa Iyang panon. Adunay daghang gustong mokawat ug mopatibulaag sa mga karnero (b.10 ug 11). Ang Maayong Magbalantay moamuma ug manalipod sa Iyang panon.

Si Kristo andam nga mohatag sa Iyang kinabuhi alang sa panon (b.11). Nagpakamatay siya sa krus alang sa atong mga sala. Ang Amahan nahigugma Kaniya tungod sa paghatag Niya sa Iyang kinabuhi kanato (b.17). Si Kristo adunay gahum sa paghatag sa Iyang kinabuhi ug sa pagkuha niini pag-usab. Ang Iyang mga karnero mao kadtong naminaw

sa Iyang tingog ug misunod Kaniya (b. 27).

Ikaw usab mahimong usa sa Iyang mga karnero kung maminaw ka sa Iyang tingog nga nahisulat sa ebanghelo ug magadawat niini. Kung ikaw magadawat, ma-imo ang kinabuhing dayon ug walay makaagaw kanimo gikan sa kamot sa Amahan (b. 28,29). Si Kristo ug ang Amahan usa ra.

Ang mga Judio wala motoo sa Maayong Magbalantay apan daghan ang misunod kang Kristo (b. 42). Sahi karong mga panahuna, daghang mga tawo ang nakadungog ug nakabasa sa pulong ni Kristo. Ang uban mitoo ug nangaluwas. Ang uban wala motoo ug nangawala.

Pagtulun-an 7

SI LAZARO UG SI MARIA MAGDALENA

Gabayon sa magtotoon:

1. Basaha ang San Juan, kapitulo 11 ug 12.
2. Basaha kini nga pagtulun-an.
3. Tubaga ang mga pangutana sa Pasulit 7.

Ang Lalaking anak sa Diyos mao ang maayong Magbalantay sa Karnero. Gihatag Niya ang Iyang kinabuhi alang sa Iyang panon. Sila naminaw sa Iyang tingog ug nagasunod Kaniya. Siya nagahatag ug kinabuhing dayon sa tanan nga nagatoo Kaniya.

ANG LALAKING ANAK SA DIYOS MIBANHAW SA USA KA TAWO GIKAN SA MGA PATAY (Kapitulo 11)

Sa lungsod sa Betania adunay duha ka managsoong babaye. Sila mao si Maria ug si Marta. Si Lazaro, ang igsoon nilang lalaki, nagmasakiton ug namatay (b.4). Si Jesus miingon kang Marta, “Ako mao ang pagkabanhaw ug ang kinabuhi: siya nga nagatoo kanako, bisan siya patay na, siya mabuhi pag-usab.”

Si Kristo miadto sa lubong ni Lazaro ug mituaw sa malanog nga nga tingog, “Lazaro, gula ngari.” Niini nga paagi nadawat ni Lazaro ang kinabuhi, mibangon ug migula gikan sa lubong. Daghan sa mga Judio mitoo Kaniya apan ang mga Pariseo nagdumili pa gayud.

Ang tanang tawo makasasala. Sila patay sa kasal-anan ug wala kanila ang kinabuhi. Ang Lalaking anak lamang ang makahatag ug kinabuhi. Moabut ang adlaw nga ang tanang tawo mobangon gikan sa mga patay ug motindog sa atubangan sa Diyos. Nianang panahuna, wala nay kaluwasan. Karon ang tukmang panahon aron maluwas.

ANG UBAN NAGADAYEG KANG GINOONG JESUS, Kap. 12

Si Maria ug Marta mahigugma gayud sa Ginoong Jesus tungod sa Iyang pagbanhaw sa ilang igsoon. Nag-andam sila ug panihapon pahinungod kang Kristo ug si Maria midihug sa Iyang tiil sa pahumot. Si Hudas nga usa ka kawatan ug usa sa napulog duha ka mga tinun-an, nakasaway sa gibuhay ni Maria (b.5).

Human niini, si Kristo miadto sa Jerusalem. Daghang mga tawo mikuha ug mga sanga sa palmera ug midawat kang Kristo sa kadalanan